



Infuormaziuns

avuost 2022

Stimats genituors

Eu Tils salüd cordialmaing pel nouv on da scoula e sper d'avair üna buna collavuraziun d'urant il prossem on da scoula, a bönn da Lur uffants.

Quist on cumainzan 18 uffants la scouline quia a Scuol e 19 scolaras e scolars la prüma classa primara. 4 scolaras e scolars d'Ardez, 1 scolar da Guarda, 1 scolar da Garsun, 3 scolaras e scolars da Ftan ed 2 scolaras e scolars da Tarasp cumainzan la prüma classa dal s-chalin ot. Implü cumainzan 5 ulteriuras scolaras e scolars la scoula quia a Scuol. Els derivan dad otras scoulas quia in Svizra. Ad els tuots giavüschaina ün bun cumanzamaint illa scouline e scoula da Scuol.

Novas personas d'instrucziun

Illa gazetta da scoula sun gnüdas preschantadas las novas personas d'instrucziun. In quist'occasiun lessa salüdar eir persunalmaing al seguaint nouv magister i'l team da personas d'instrucziun da Scuol e giavüschar tuot il bun quia a Scuol. I's tratta da: **Ramun Corradin**, magister da classa dal s-chalin ot. Implü han las scoulas da Scuol eir introdüt la lavur sociala in scoula e pudü ingaschar ad **Olivier Fasching** sco lavuraint social da scoula. Infuormaziuns detagliadas da sia incumbenza gnaran d'urant il prossem temp directamaing da sia persona. Ad els giavüscha ün bun cumanzamaint ed üna buna collavuraziun i'l team da personas d'instrucziun da Scuol.

Evaluziun interna da la consultaziun pro genituors

Nus ingrazchain fich als genituors chi s'han partecipats a la consultaziun la prümavaira passada. A man dals resultats da quista retschercha han las personas d'instrucziun la pussibilità da far adattamaints in cas da bsögn e da verer da mantgnair la qualità i'ls puncts gnüts resguardats positivs.

I'ns fa grond plaschair cha divers puncts chi han da chefar directamaing culla instrucziun rajiundschan valütaziuns fich allegraivlas. Daplü co 95% dals genituors respuondan cul predicat correspuonda fich o correspuonda pro'ls seguaints plü puncts: **tour serius a l'uffant**, **valütaziun correcta**, **controlla da lezchas**, **esser rajiundscheibel** e la **comunicaziun da decisiuns da promoziun**.

Eir puncts sco **motivaziun dar ir a scoula** ed **infuormaziuns chi rivan a temp** rajiundschan buns resultats da 90 e 92%. Pro'l seguond da quists puncts provaina inavant da tgnair ad els al curraint. Las medias electronicas (in prüma lingia l'e-mail per infuormaziuns ufficialas) es qua sgüra ün bun sustegn. Cundiziun es però chi gnia eir let quists per esser infuormà.

Il tema **lezchas** para da dar daplü rumpatesta als genituors: passa ün tschinchavel dals genituors (20,8%) chatta cha la quantità da lezchas nu saja adattada e 14% dals genituors manzuna cha lur uffants nu sajan abels da far las lezchas independentamaing. Quist tema occupa eir a nus personas d'instrucziun e nus fain il pussibel da'ns tgnair vi da las racumandaziuns dal plan d'instrucziun 21. In general as stoja però dir cha davo l'introducziun dal plan d'instrucziun 21 dess la quantità da lezchas as tgnair in ün rom radschunaivel, concretamaing as dessa dar plütöst damain lezchas da quai chi gniva dat plü bod. I nu po esser cha scolaras e scolars stettan uras a far lezcha a chasa. Listess ston ils uffants tenor nos avis eir esser pronts ed abels da far tschertas incumbenzas pella scoula in lur temp liber e tillas partir aint quai in ün möd radschunaivel.

Dis da visita per genituors

Dals 15 fin als 17 november 2022 faina 3 dis ufficials per survgnir invista i'l andamaint regular in scoula. Genituors han la pussibilità da visitar las lecziuns regularas sainza s'annunzchar ouravant. Detagls precis vegnan comunicats cuort avant da las personas d'instrucziun da classa. La scouline fixa ils dis da visita independentamaing da la scoula.

Chalender d'occurrenzas 1. semester

Eir quist on varan lö darcheu differents arrandschamaints specials, planisabels fingià ouravant. Per part suna fingià cuntshaints: quia las datas dal prüm semester chi düra uossa ün'eivna plü lönch co'l seguond semester. Sülla pagina d'internet vegn publichada adüna la varianta la plü actuala e'ls müdamaints pussibels.

15 avuost 2022:	1. di da scoula
1. + 2 settember 2022:	proget da cuorsa d'orientaziun sCOOL a Scuol per scolaras e scolars da 3. fin 6avla classa.
22 e 23 settember 2022:	hockey goes to School, proget per singulas classas dal ciclus 1
28 settember 2022:	Classica in classa – proget da musica per scolaras e scolars da 1. fin 4. classa
7 october 2022:	di da fuormaziun obligatoric per personas d'instrucziun dal ciclus 1 (ingün'instrucziun il venderdi pellas scoulinas e la 1. e 2. classa)*
25 + 26 october 2022:	Coppa Engiadina da hockey pella 1 fin 6avla classa.
10 november 2022:	di da l'avegnir naziunal pellas scolaras e pels scolars da 5 e 6avla classa
15 – 17 november 2022:	3 dis da visita in scoula per genituors
23 december 2022:	Nadal da scoula
13 schner 2023:	primara Pangronds
dec. 2022 / schner 2023:	eivna da da skis da las scoulinas da Scuol
27 schner 2023:	ultim di dal 1. semester, surdatta dals attestats
otras occurrenzas tenor ora:	spassegiada d'utuon, dis da sport, excursiuns da las differentas classas

Ulteriuras orientaziuns specificas d'importanza be per singulas classas vegnan dattas cuntshaintas directamaing da la magistra o dal magister da classa. Las variantas las plü actualas as chatta adüna sülla pagina d'internet.

*tenor ledscha da scoula han genituors chi nu pon survagliar dürant avantmezdis sainz'instrucziun a lur uffants la pussibilità dad annunzchar quai a la scoula e quella tschercha lura üna soluziun. Genituors chi giavüschan cha lur uffant gnia survaglià quists avantmezdis annunzchan in scrit quist bsögn al manader da scoula, fin als 9 settember 2022. Sainza annunzcha resta l'uffant a chasa quist di. In che maniera cha quist accumpagnamaint vain organisà nun es amo cuntshaint e sta illa respunsabilità da la scoula (p. ex. famiglias externas, chüra Cumbinella, lavur quieta in stanza da scoula insembel cun ün'otra classa, program special, etc.)

Amiaivels salüds



Mario Rauch, manader da scoula

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, telefonisch genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a lingua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado en „Gazetta da scoula“.